

天佑民而作君惟德是輔帝生商而立子有開必先  
納富壽於方來實兆基於茲日臣軾中賀恭惟皇  
帝陛下文思天縱聖欽日躋以若稽古之心上遵王  
路行不忍人之政下酌民言神聽靖恭天壽平格臣  
久塵法從出領郡符奉萬年之觴雖阻陪於下列接  
千歲之統猶及見於昇平草木之情日月所照

賀坤成節表

仁惟天助壽不假於禱祈澤在民心言自成於雅頌  
恭臨誕月仰祝聖期雖凡庶之何知亦臣子之常分  
中賀恭惟太皇太后陛下儲神天地託國祖宗元

勲本自於無心神智實生於至靜同守大器于茲六  
年放億萬之羽毛未若消兵以全赤子飯無數之緇  
褐豈如散廩以活飢民臣躬領郡符目覩茲事載瞻  
象闕阻奉瑤觴嘉與海隅之人同罄華封之祝

謝三伏早出院表

君逸臣勞固上下之分金伏火見亦消長之常乃緣  
異恩而許夙退中謝伏念臣等誤緣末技待罪禁林  
戴星而朝雖粗輸其勤拙窮日之力卒無補於絲毫  
遽蒙假借之私得遂委蛇之樂此蓋伏遇太皇太  
后陛下嚴於恭己恕以馭臣事既省於清心日自長

於化國朝而不夕前追靜治之風伏當早歸下遂疎  
愚之性

謝除龍圖閣學士表二首

伏蒙聖恩以臣累章請郡特除臣龍圖閣學士知杭  
州者中禁寶儲上應奎壁之象先朝謨訓遠分一作  
河洛之符隸職其間省躬非據臣軾伏念臣學非有  
得愚至不移雖叨過實之名卒無適用之器少時妄  
意蓋嘗有志於事功晚歲積憂但欲歸安於田畝屬  
聖神之履運荷識拔之非常猶冀桑榆之收遽迫大  
馬之疾力求閑散庶免顛隳豈謂 皇帝陛下聖度

包荒天慈委照察其才有所短不欲強置之禁嚴知  
其進不由人故特保全其終始遂加此職以責其行  
臣敢不仰緣末光益勵素守往何適而不可中無愧  
之為安但未死亡必期報塞

北扉清密久愧素餐內閣深嚴復膺殊寵以榮為懼  
有覲在顏臣軾誠惶誠恐頓首頓首伏念臣賦命數  
奇與人多忤遭遇仁祖忝竊賢科繼蒙英廟之深知  
尤荷裕陵之見器而流離若此窮薄可知晚親日月  
之光常恐併壘之溢故求閒散以避災屯豈謂 太  
皇太后陛下天高聽卑坤厚載物愛惜臣下固無異

於子孫委任官師本不分於中外致茲衰病不失清  
華然臣辭寵而益榮求閑而得劇雖云稍遠於爭地  
尚恐終非其久安敢不磨鈍自脩履冰知戒庶全孤  
節少荅殊私

謝賜衣帶鞍馬表四首

出笥之珍已華朽質解驂之賜益耀衆觀頽惟何人  
亦被茲寵臣軾誠惶誠恐頓首頓首伏念臣少而拙  
訥老益踈愚山野之姿非文繡之所及疲駕之質雖  
鞭策以何加方祈冗散之安更忝便蕃之錫此蓋伏  
遇 皇帝陛下緝熙儒術網羅人材不愛車服寵數

之章使為吏民瞻望之美據鞍有愧束衽知榮敢不  
奉以牧民永思去害之指施之大邑庶無學制之傷  
命服斯皇詩詠周宣之德康侯用錫易稱王母之仁  
惠澤所加臣工知勸臣軾誠惶誠恐頓首頓首伏念  
臣資材朽鈍學術空踈矧茲衰病之餘豈復光華之  
羨荷寵章之蕃庶人以為榮顧形影之支離臣惟自  
愧此蓋伏遇 太皇太后陛下知人堯哲徧物舜仁  
時遣拾遺補過之臣出為承流宣化之任子衣安吉  
不待請而得之我馬虺隤蓋知勞而賜者敢不勉思  
忠蓋務報恩勤永惟廐庫之珍莫非民力無忘獄市

之寄以副上心臣無任感天荷聖激切屏營之至  
臣軾言伏蒙聖慈以臣入院特賜衣一對金腰帶一  
條金鍍銀鞍轡一副馬一疋者被三品之服章君子  
所以昭令德分六閑之駟駿朝廷所以旌有功顧惟  
何人亦與茲寵拜恩俯僂流汗交并臣軾中謝伏念  
臣人微地寒性迂才短罷布韋而自薦偶忝縉紳駕  
款段以言歸終安畎畝豈謂便蕃之錫萃於衰病之  
軀此蓋伏遇 皇帝陛下總攬眾工財成大化至誠  
樂與有緇衣之好賢俊民用章無白駒於空谷不期  
遺一作寒陋亦被光華攬佩以思遂識斷金之義舉鞭

自誓敢忘希驥之心臣無任

臣軾言伏蒙聖慈以臣入院特賜衣一對金腰帶一  
條金鍍銀鞍轡一副馬一匹命服出笥榮動縉紳左  
驂在廷先生徒馭德不稱物愧無所容臣軾中謝伏  
念臣衰朽無功蠢愚不學已分鶉梁之刺敢逃負乘  
之譏再惟此恩何自而至此蓋伏遇 太皇太后陛  
下至神廣運盛德兼容躬周公之勤勞而逸於委任  
寶老氏之慈儉而侈於禮賢致此光榮下及微陋慨  
然攬轡敢有意於澄清束帶立朝尚可言於賓客臣  
無任

笏記四首

禁林之選多士所榮非獨文章之工俾專翰墨當屬  
典刑之老以重朝廷如臣空疎豈宜塵冒此蓋伏遇  
皇帝陛下剛健純粹緝熙光明曲搜已棄之材將建  
無窮之業顧慙淺陋將何補於盛明惟有朴忠誓不  
回於生死臣無任

西掖代言已愧一時之高選北門視草又忝諸生之  
極榮豈伊衰朽之餘有此遭逢之異此蓋伏遇 太  
皇太后陛下坤元利正天造無私靡求備於一人將  
曲成於萬物文章小技縱有取一作效於涓埃草木微

生終難酬於雨露臣無任

臣軾言隸職宸居承流闡寄自知衰朽有玷寵光此  
蓋伏遇 皇帝陛下總攬群材靡遺片善曲收頑鈍  
俾處清華徒傾草木之心莫報乾坤之施臣無任  
既塵美職復玷名藩榮寵過情省循知愧此蓋伏遇  
太皇太后陛下仁均動植明燭幽微特示寵章以旌  
眷遇恩勤莫報生死難忘臣無任

謝宣召入院表二首

右臣今月一日西頭供奉官充待詔董士隆至臣所  
居奉宣聖旨召臣入院充學士者詔語春溫再命而

僂使華天降一節以趨在故事以嘗聞豈平生之敢  
望省循非稱愧汗交深中謝竊以視草之官自唐為  
盛雖職親事祕號為北門學士之榮而祿薄地寒至  
有京兆掾曹之請豈如聖代一振儒風非徒好爵之  
縻兼享大烹之養玉堂賜篆仰淳化之彌文寶帶重  
金佩元豐之新渥既厚其禮愈難其人而臣以空踈  
冗散之材衰病流離之後生還萬里坐閱三遷不緣  
左右之容躡處賢豪之上此蓋伏遇 皇帝陛下生  
資文武天胙聖神雖亮陰不言尚隱高宗之德而訪  
落求助已啓成王之心首擇輔臣次求法從知人材

之難得采虛勞一而用臣敢不益勵初心力圖後效才  
不逮古雖慙內相之名志常在民庶免私人之誚臣  
無任

右臣今月一日西頭供奉官充待詔董士隆至臣所  
居奉宣聖旨召臣入院充學士者里巷傳呼親臨詔  
使私庭望拜恭被德音人言稽古之榮臣有素食之  
愧懇辭雖至成命莫回伏以朝論所高禁林為重非  
徒翰墨之選乃是將相之儲禮絕同僚歎裴李於坐  
上功成異域得頗牧於禁中宜有異人來膺此選而  
臣顛愚自信狂直不回先帝憐其孤忠欲召而未果

陛下出於獨斷決用而無疑曾未周歲而闕三官試以百為而無一可保全已幸擢用何名此蓋伏遇太皇太后陛下德協天人心存社稷受聖子之託天下抱神孫而朝詣侯巍巍其有成功不見治迹斷斷而無他技專用老成推其類以及臣顧何能而在此忠義之報死生不移臣無任

謝翰林學士表二首

臣軾言蒙恩除臣翰林學士知制誥者名微不稱寵至若驚伏念臣經術空疎吏能短淺少年自守無用於作新去國生還適逢於求舊初何云補遽辱甄收

此蓋伏遇 皇帝陛下文武生知聰明天縱法乾坤之廣運體日月之照徹過採虛名使陳薄技敢不激昂晚節砥礪初心雖洪造之難酬盡微生而後已臣軾言蒙恩除臣翰林學士知制誥者寵光逾分榮愧交中伏念臣本以踈愚起於遐陋學雖篤志皆場屋之空文言不適時豈朝廷之通論老於憂患望絕縉紳此蓋伏遇 太皇太后陛下總覽政綱灼知治體恢復祖宗之舊兼收文武之資過錄愚忠以敦薄俗敢不臨寵而懼惟職思其憂非敢有意於功名庶幾少逃於罪悔臣無任

謝除侍讀表二首

臣軾言今月一日蒙恩除臣兼侍讀者學術本疎老復加於謇訥官職愈近職專在於討論退省其愚莫知所措中謝伏以天威咫尺顧未技以何施聖欽日躋豈群臣之可望非張禹寬中之羨學亦量懷素之懿文則何以奉 天子五學之游求王人多聞之益如臣愚暗何與選掄以蓋伏遇 皇帝陛下卓然生知附以好學方高宗恭默之後正宣帝勵精之初衆論並陳悉洞照其情偽陳編一覽已周知於廢興察臣衰病而無求庶可親近而寡過故茲拔用驟及疲駕臣敢不温故知新粗辨有司之職見危致命更輸愛日之忠臣無任

臣軾言今月一日蒙恩除臣兼侍讀者北門視草已叨儒者之極榮西學尚賢復玷侍臣之高選省循非稱愧汗交懷中謝竊惟講讀之臣止以言語為職考功課吏無殿最之可書陳善閉邪有膏澤之潛潤豈臣愚陋亦所克堪此蓋伏遇 太皇太后陛下憂思深長德業久大受先帝投艱之託為神孫經遠之謀故選左右前後之人罔非吉士使知興亡治亂之效莫若多聞謂臣雖無大過人之才知臣粗有不欺君



之實故使朝夕與於討論奉永日之清閑未知所報  
畢微生於盡瘁終致此心臣無任

謝除中書舍人表二首

臣軾言伏奉制命授臣試中書舍人仍改賜章服者  
右史記言已塵高選西垣視草復玷近班皆儒者之  
至榮豈平生之所望臣軾誠感誠懼頓首頓首竊以  
詞命之職古今所難非獨取之於文蓋將試之以事  
至於機務亦或與聞雖四戶擅權非當時之公議而  
五花判事亦前代之美談及夫三字之除乃是一切  
之政但謂內朝之法從安知宰相之屬官既任止於

訓詞故權移於胥史恬不知怪習尚故常先皇帝道  
冠百王法垂萬世建六官而修故事開三省以待異  
人典章一新名實皆正遂申明於四禁俾分領於六  
曹遠則進直閣之司近則通檢正之任雖未聞政而  
聞事蓋須有德而有言如臣之愚無一而可草創潤  
色既非鄭國之材除書德音又乏唐人之譽忽當此  
選莫測其由此蓋伏遇 皇帝陛下將聖與仁能招  
而惠雖在三年不言之際已有十日並照之光而臣  
日侍邇英親聞訪道仰天威之甚近知聖鑒之難逃  
謂臣嘗受先朝之知實無左右之助棄瑕往昔責效

將來臣敢不益勵素心無忘舊學上體周公煩悉之  
誥助成漢家深厚之文苟無曠官其敢言報臣無任  
臣軾言伏奉制命授臣試中書舍人仍改賜章服者  
聖神獨斷出成命於省中衰病增光溢虛名於朝右  
訓詞之重士論所榮臣軾誠感誠懼頓首頓首臣聞  
有言逆心此古人所以顛沛積毀銷骨非聖主莫能  
保全臣本受知於裕陵亦嘗見待以國士嘉其好直  
許以能文雖竄謫流離之餘決無可用而哀憐收拾  
之意終不少衰抱弓劍以長號分簪履之末棄豈期  
晚遇又過初心矧外制之深嚴極西垣之清要在唐  
之盛以馬周岑文本為得人近世所傳有楊億歐陽  
脩之故事不試而用于今幾人遂超同列之先遠繼  
前脩之末夫何頑鈍有此遭逢此蓋伏遇 太皇太  
后陛下憂國忘家愛民如子憂深故任其事者重愛  
極故為之慮也長敷求招人以遺嗣聖所以兼收而  
並用庶幾有得於其間臣敢不盡其所能期於無愧  
始終自摅故常以道而事君夷嶮不同則必見危而  
授命臣無任

賀立皇后表二首

伏觀制書今月十六日 皇后受冊禮成者續文維

萃覩天之妹事闡廟社喜溢人神臣聞三代之興皆有內助二南之化實本人倫維闕睢正始之風具既醉太平之福民有所恃邦其永昌恭惟 皇帝陛下自誠而明惟睿作聖又寧夷夏德既茂於治朝輔順陰陽政兼脩於內職既膺大需益廣至仁下逮海隅夫婦無有愁嘆上符天造日月為之光明受祿無疆與民同樂

吉日既消柔儀允正穀主往愕象服來朝臣聞周姜任姒之賢位非皆極漢陰馬鄧之貴德或有慚盛哉六禮之陳諫此三宮之慶恭惟 太皇太后陛下任付託之重躬保佑之勞公天下不私其親配宸極必先以德徽音不墜嗣成慈孝之風仁壽無疆坐享雲采之養

上清儲祥宮成賀德音表二首

琳館告成神人交慶綸音下霈過故盡除中賀伏念臣聞漢武築通天之臺魏明作凌雲之觀皆厲民而私已或秘祝以斬年然猶形於詠歌被之金石而况文孫繼志神母考祥追六聖之心本支百世均萬方之慶圉圉一空豈惟洗濯於丹書固已光華於青史恭惟 皇帝陛下知人堯招克己禹勤積德之宮以

文章為藻飾庇民之厦以仁義為基扁眷樸斲之成  
能亦聖神之餘事臣久參法從夙侍經惟樂石銘詩  
雖幸執太史之筆大幸薦禡不獲踐屬車之塵徒與  
吏民共茲慶澤

靈光下燭慶新宮之告成需澤旁流洗庶獄之多罪  
散為和氣坐致豐年中謝伏念臣聞舜禹之心以奉  
先為孝本釋老之道以損己為福田永惟坤作之成  
每辭天下之養卑宮何陋大練為安故能捐萬金之  
資以成二聖之意為國迎祥而國無所費與民祈福  
而民不知勞鑿輅親臨神靈昭格覩士女之和會既

同其休念囹圄之幽囚或非其罪用乎大號以達惠  
心恭惟 太皇太后陛下恭儉以仁明摛作則愛惜  
幣廩不供浮費之私重慎典刑每存數赦之戒一寬  
湯網衆識堯心臣以從官出臨近甸率吏民而拜慶  
助父老之歡謠求望闕庭實同咫尺臣無任

再入翰林謝表二首

右臣今月十一日翰林侍詔梁迪至臣所居奉宣聖  
旨召臣入院充學士承旨者使星下燭生蓬華之光  
華天澤旁流失桑榆之枯槁國有用儒之威士知稽  
古之榮伏以翰墨之林號稱內相文章之外不取他

才至於用人可以觀政文武並用或成頗牧之功邪  
正雜居至有任文之患惟貴且近故難其人而况金  
鑾玉堂親被絲綸之密比扉東閣獨稱年德之高必  
有異人以齊衆口而臣本緣衰病出守江湖以一方  
凋弊之餘當二年水潦之厄戴星而治僅免流亡及  
以而還恍如夢寐交親迎勞并邑聚觀驚華髮之半  
空笑丹心之未改宜投閑散以養衰殘豈期過採於  
虛名復使榮加於舊物此蓋伏遇 皇帝陛下德如  
乾健明配日中既祖述於堯仁復躬行於舜孝才難  
之歎人誦斯言緣先帝之德音收孤臣於散地言雖

直而無罪身愈遠而益親委曲保全始終錄用臣敢  
不更磨朽鈍少補涓埃難得者時未有捐軀之會勿  
欺而犯謗無患失之心臣無任感天荷聖激切屏營  
之至謹錄奏謝以聞

衰遲無用寵既溢於當年眷待有加恩復隆於晚節  
使華臨賁天語丁寧覺里巷之驚觀歎朝廷之用舊  
伏以禁林分直法本六人帝語親承舊惟一老不緣  
名次之先後斷自上心之簡求冠內朝供奉之班極  
儒者遭逢之盛凡膺此選宜得異材而臣本以愚庸  
累塵器使初無已試之効但多過實之名千里闕庭

二年江海憂深投杼豈無三至之言詔復賜環不待  
一人之譽此蓋伏遇 太皇太后陛下道無私載公  
生至明以七年之照臨觀群臣之邪正知臣剛褊自  
用雖有寬饒之狂察臣忠鯁招慙不移庶幾長孺之  
守故還舊物益茂新恩臣敢不早夜以思死生不易  
雖桑榆之景已迫殘年而犬馬之心猶思後効

謝賜對衣金帶馬表二首

右臣伏蒙聖慈以臣入院特賜對衣一襲金腰帶一  
條并魚袋金鍍銀鞍轡馬一疋者漢官三服已分密  
麗之珍唐監八坊復下權奇之駿拜嘉甚寵省已何

功伏念臣受材迂踈賦命寒寒幼師季路止服緼袍  
長慕少游欲乘下澤日眩重金之耀神驚四牡之良  
俛仰自惟周章失次此蓋伏遇 皇帝陛下憂勤黎  
庶寤寐雋賢故損廩庫之儲以廣英雄之鼓致茲孱  
陋亦被寵光臣敢不求稱於衷益鞭其後薄德盛服  
當戒維鷄之篇強力安邦庶幾有馭之頌臣無任  
鏤錫金軛示有馳驅之勞寶帶龍衣豈無約束之義  
上既循名而責實下當因物以貢誠伏念臣少則賤  
貧長而困厄仲卿龍具追晏子之一裘伯厚鷄栖陋  
景公之千駟無功拜賜服寵汗顏願惟何人膺此異

數此蓋伏遇 太皇太后陛下躬行慈儉德貫天人  
約於奉已而侈於養賢嚴於私親而寬於御衆憐其  
朽鈍借以光華臣敢不衣被訓詞服勤鞭箠惟德其  
物永觀不易之言思馬斯徂更屬無邪之志臣無任

謝除龍圖閣學士知潁州表二首

臣某言伏蒙聖恩以臣累章乞郡除臣前件官者備  
員經席幸依日月之光引避親嫌實有簡書之畏恩  
還舊職寵寄近藩衰朽增華省循知愧中謝伏念臣  
生無他技天與愚誠雖所向之奇窮獨受知於仁聖  
力求便郡蓋常懷老退之心伏讀訓詞有不為朕留

之語殊私難報危涕自零恭惟 皇帝陛下緝熙光  
明剛健篤實方收文王之四友以集孔子之大成而  
臣苟念餘生之安莫伸一割之用桑榆暮齒恐遂齋  
志而莫償犬馬微心猶恐蓋棺而後定臣無任

引嫌求避顧舊典之甚明易職寵行荷新恩之至厚  
踈愚自省慚悚交并中謝伏念臣學陋無聞性迂難  
合受四朝之知遇竊五郡之藩宣吳會二年但坐糜  
於廩祿禁林數月曾未補於絲毫敢冀殊私復還舊  
物恭惟 太皇太后陛下仁涵動植明燭幽微知臣  
獨受於聖知欲使曲全於晚節憐其無用許以少安

凡力請八章而後從使不為一乞而遽去在臣進退  
可謂光華雖老病懷歸已功名之無望而衷誠思報  
尚生死之不移臣無任

謝賜對衣金帶馬表二首

錫之上駟敢忘致遠之勞佩以良金無復忘腰之適  
執鞭請事顧影知慙恭惟 皇帝陛下禹儉中脩堯  
文外煥長轡以御率皆四牡之良所寶惟賢豈徒三  
品之貴出捐車服收輯事功而臣衰不待年寵常過  
分枯羸之質匪伊垂之而帶有餘歛退之心非敢後  
也而馬不進徒堅晚節難報深恩臣無任

出筍之珍以旌有德在坳之駟豈及無功而臣首尾四  
年叨塵三錫省躬內疚服寵汗流恭惟 太皇太后  
陛下慈儉自居龍光四達德被海宇豈惟一服之衣  
恩結華夷何止十圍之帶群賢在馭六轡自調而臣  
頃以衰羸止求安便奉宣德意庶幾五袴之謠收歛  
壯心無復千里之志更期力報有愧空言臣無任

揚州謝到任表二首

一麾出守方媿偷安十國為連復膺寵寄恩榮既溢  
慙汗靡寧中謝伏念臣本以鰥生冒居禁從頃緣多  
病力求賴尾之行曾未半年復有廣陵之請蓋以魚



鳥之質便老一作於江湖之間習與性成樂居其舊天  
從民欲許擇所安恭惟 皇帝陛下欽明文思剛健  
純粹天機默運灼知萬化之情人材並收各取一長  
而用如臣衰朽尚未遐遺命至蹇而祿已盈每懷憂  
懼志雖大而才不副莫報恩私臣無任

支郡養病裁能免咎通都移牧自愧何功屢玷恩榮  
實深慙汗中謝伏念臣早緣竊祿稍習治民在先帝  
日已歷三州近八年間復忝四郡平生所願滿足無  
餘志大才疎信天命而自遂人微地重恃聖眷以少  
安恭惟 太皇太后子惠萬民器使多士以謂朝廷

之德澤付於郡縣與監司乃眷江淮之間久罹水旱  
之苦鄰封二淝飢疫相薰積欠十年豐凶皆病臣敢  
不上推仁聖之意下究疲驚之心庶復流亡少寬憂  
軫臣無任

謝復賜看墳寺表

名書罪籍慚負明時思念私塋特還舊刹九泉受賜  
荒隴生光伏念臣早以空疎叨居近密始終無補愚  
不自量恩禮誤加驟及既往一被黨人之目上遺先  
臣之憂舊恩已移沒齒何覲豈謂詔書一出舊物復  
還山隴絕芻牧之虞松檟變焦枯之名已骨肉感涕閭

卷咨嗟伏遇 皇帝陛下性仁無私而聖孝不匱覽二  
帝初潛之地動一夫失所之懷號令所加存沒咸賴  
臣衰病已久報國之日不長子孫在前教忠之心未  
替

代普寧主賀冬表

七日来復陽既進而歲功成八風不蕪樂已調而君  
道得惟聖在御與天同符恭惟 皇帝陛下嗣守洪  
基丕承先志法小必以求助期既醉之太平淵默臨  
朝順陽道之消長清淨為治俾物類以昭蘇受福無  
疆成功不宰臣猥以暗弱仰荷誨憐敢先百辟之朝

以祝萬年之壽

禮部尚書謝表

臣某言伏蒙聖恩除臣端明殿學士兼翰林侍讀學  
士守禮部尚書者備員四省已愧空疎易職東班尤  
驚忝冒遂領宗卿之任併為儒者之榮臣某中謝始  
臣之學也以適用為本而恥空言故其仕也以及民  
為心而慙尸祿乃者屢請治郡兼乞守邊欲及殘年  
少施實効而有志莫遂負愧何言今乃以文字為官  
常語言為職業下無所見其能否上無所考其幽明  
循省初心有覲面目故於拜恩之日少陳有益之言

孔子曰一言可以興邦而孟子亦曰一正君而國定  
昔漢文悅張釋之長者之言則以德化民輔成刑措  
之功而孝景入晁錯數術之語則以智馭物馴致七  
國之禍乃為國安危之本只在聽言得失之間恭惟  
陛下即位以來學如不及問道八年寒暑不懈講讀  
之官談王而不及霸言義而不及利八年之間指陳  
至理何啻千萬雖所論不同然其要不出六事一曰  
慈二曰儉三曰勤四曰慎五曰誠六曰明慈者謂好  
生惡殺不喜兵刑儉者謂約己省費不傷民財勤者  
謂躬親庶政不瀟聲色慎者謂畏天法祖不輕人言

誠者謂推心待下不用智數明者謂專信君子不雜  
小人此六者先王之陳迹老生之常談言無新奇人  
所易忽譬之飲膳則為穀米羊豕雖非異味而有益  
於人譬之藥石則為耆朮參苓雖無近効而有益於命  
若陛下信受此言如御飲膳如服藥石則天人自  
應福祿難量而臣等所學先王之道亦不為無補於  
世若陛下聽而不受受而不信信而不行如聞春  
禽之聲秋蟲之鳴過耳而已則臣等雖以三尺之喙  
日誦五車之書反不如醫卜執技之流簿書奔走之  
更其為尺祿死有餘誅伏願陛下覽臣言少留

聖意天下幸甚

蘇文忠公集卷第七十七

蘇文忠公集卷第七十八

表狀

謝恤刑詔書二首

時令舉行雖云故事天心惻怛本出至誠德既洽於  
好生民雖死而無憾中謝伏以刻木畫地志士不居  
鑠石流金平人猶病宜軫聖神之念實為哀痛之先  
訓告叮嚀吏民感動恭惟 陛下禹湯罪已堯舜性  
仁以不忍人之心行若稽古之政豈止緩獄實期無  
刑臣敢不推廣上恩厚風俗於無犯申嚴法意銷盜  
賊於未萌少假歲時庶空囹圄

聖意天下幸甚

蘇文忠公集卷第七十七

蘇文忠公集卷第七十八

表狀

謝恤刑詔書二首

時令舉行雖云故事天心惻怛本出至誠德既洽於  
好生民雖死而無憾中謝伏以刻木畫地志士不居  
鑠石流金平人猶病宜軫聖神之念實為哀痛之先  
訓告叮嚀吏民感動恭惟陛下禹湯罪已堯舜性  
仁以不忍人之心行若稽古之政豈止緩獄實期無  
刑臣敢不推廣上恩厚風俗於無犯申嚴法意銷盜  
賊於未萌少假歲時庶空囹圄

暑雨其咨既軫小民之病麥秋已至復虞輕繫之淹  
祗服訓辭灼知天意中謝伏以仁聖之德哀矜為先  
惟內恕以及人故深居而念遠齋戒處掩則知暴露  
之難一作紛締裨延不忘縲紲之苦吏既罔懈民知  
無冤恭惟 太皇太后陛下事法祖宗德參天地凱  
風養物散為扇暘之涼靈雨應時同沾執熱之濯臣  
敢不盡其哀敬濟以寬明奉法律之嚴毋令慘酷推  
慈母之意務在平和庶竭愚忠少行德意

定州到任謝上表

兵民專寄不禦侮以折衝疆場久安但坐嘯而畫諾

才微祿厚恩重命輕中謝伏念臣一去闕庭三換符  
竹坐席未暖召節已行筋力疲於往來日月逝於道  
路未經周歲復興兩曹朝廷非不用臣愚憊自不安  
位所宜竄逐更冒寵榮此蓋 皇帝陛下離明正中  
乾剛獨運追述東朝之遺意收此散材眷言西學之  
舊臣付之善地致此衰朽尚未棄捐臣敢不勤郵民  
勞密脩邊備苟無大過以及暮年漸還魚鳥之鄉以  
畢桑榆之境

賀興龍節表

天祐我邦祥開是日山川奠瑞日月增華臣伏以上

聖所儲有慈儉不爭之寶輿情共獻益憂勤無逸之  
龜不待禱祠而求自然天人之應共惟 皇帝陛下  
堯仁舜孝禹勤湯寬德莫天於好生故以不殺為神  
武道莫尊於問學故以所聞為高明敷錫庶民嚮用  
五福臣備員內閣出守近畿雖違咫尺天威乃身在  
外而上千萬歲壽此意則同

慰元正表

嗣歲將興雖有作新之慶舊穀既沒共深追遠之思  
凡在照臨舉增懷慕伏惟 皇帝陛下道躋堯禹行  
比騫參方受圖於三朝明發不寐念御簾於雙日孝

恩均吏士聲動華夷臣某中謝伏以禮著始衷詩歌  
無褐邊陲更戍本為臣子之常朔易早寒特軫聖神  
之念惟德其物豈曰無衣恭惟 皇帝陛下廣運聰  
明力行恭儉威風旁振方戰慄於天驕溫詔下融遂  
流澌於河凍既無功而坐食實有愧於解衣敢不推  
廣朝廷之仁益收凍餒申嚴祖宗之法少肅惰媮庶  
收汗馬之勞以解濡羈之誚

謝賜曆日表

夙頒溫詔寵拜新書吏得承宣民知蚤晚臣某誠感  
誠懼頓首頓首臣聞言天道者有數故曆以時頒作



潤勸訓農事者在人則王無罪歲豈獨典常之舊必  
存忠利之心恭惟 皇帝陛下輔相裁成聰明時憲  
居德刑於冬夏意與天同暨聲教於朔南責在臣等  
敢不時使薄斂思患預防勤恤鰥孤幸流亡之盡復  
兼明威惠庶戎夏以皆安

謝惠州安置表

仁聖曲全本欲畀之民社群言交擊必將致之死亡  
尚荷寬息止投荒服臣中謝伏念臣性資褊淺學術  
荒唐但信不移之愚遂成難赦之咎迹其狂妄久合  
誅夷方尚口乃窮之時蓋擢髮莫數其罪豈謂天幸

得全此生此蓋伏遇 皇帝以大有為之資行不忍  
人之政湯網開其三面舜干舞于兩階念臣奉事有  
年少加憐憫知臣老死無目不足誅鋤明降德音許全  
餘息故使虺隤之馬猶獲益惟齧棘之牛得逭一作  
刀一作臣敢不祗膺嚴訓託命至仁洗心自新沒  
齒無怨但以瘴癘之地魑魅為鄰衰疾交攻無復首  
丘之望精誠未泯空餘結草之忠

密州謝上

臣軾言昨奉勅差知密州軍州事已於今月三日到  
任上訖草芥賤微敢干洪造乾坤廣大曲遂私誠受

命撫躬已自知於不稱入境問俗又復過於所期臣  
軾中謝伏念臣家勢至寒性資甚下學雖篤志本先  
朝進士篆刻之文論不適時皆老生常談陳腐之說  
分於聖世處以散材一自離去闕庭屢更歲籥塵埃  
筆硯都忘舊學之淵源奔走簿書粗識小人之情偽  
欲自試於民社庶有助於涓埃以為公朝不廢私願  
攜孥上國預憂桂玉之不充請郡東方實欲弟昆之  
相近自惟何幸動獲所求雖父兄所以處臣其僥倖  
不過如此雖云踈外有此遭逢此蓋伏遇皇帝陛下  
下躬上聖之資建太平之業以謂人無賢愚皆有可

用故雖如臣等草穢未盡捐臣敢不仰認至恩益堅  
素守推廣中和之政撫綏疲瘵之民要使民之安臣  
則為臣之報國臣無任瞻天荷聖激切屏營之至謹  
奉表稱謝以聞

徐州謝上表

臣軾言分符高密已竊名邦改命東徐復塵督府荷  
恩深厚撫已兢慙臣軾中謝伏念臣奮身農畝託迹  
書林信道直前自無坎井之避立朝寡助誰為先後  
之容向者屢獻瞽言仰塵聖鑒豈有意於為異蓋篤  
信其所聞顧慙迂闊之言雖多而無益惟有朴忠之

素既久而猶堅遠不忘君未忍改其常度言之無罪  
實深恃於至仁知臣者謂臣愛君不知臣者謂臣多  
事空懷此意誰復見明伏惟 皇帝陛下日月照臨  
乾坤覆燾察孤危之易毀矜諒直之無他安全陋軀  
畀付善地民淳訟簡殊無施設之方食足身閑仰愧  
生成之賜顧力報之無所懷孤忠而自憐謹奉表稱  
謝以聞

徐州謝獎諭表

臣軾言伏奉今月四日勅以臣去歲脩城捍水粗免  
踈虞特賜獎諭者奔走服勤人臣之常事褒稱勞勉

學者之至榮自惟何人乃辱斯語臣軾誠惶誠恐頓  
首頓首伏念臣學無師法才與世踈經術既已不深  
吏事又其所短累忝優寄卒無異稱寬如定遠之言  
平平無取拙此道州之政下下宜然乃者河決澶淵  
毒流淮泗百堵皆作蓋濼吏之勛勞三板不沉本朝  
廷之威德而臣下掠衆羨上貪天功獨竊爾書之榮  
以為私室之寶此蓋伏遇 皇帝陛下天覆四海子  
養萬民哀無辜之遭罹特遣使以存問既蠲免其賦  
調又飲食其飢寒所以錄臣之微勞蓋將責臣之來  
効臣敢不躬親畚築益修今歲之防安集流亡盡復

平時之業庶殫朽鈍少補絲毫臣無任瞻天荷聖激切屏營之至謹奉表稱謝以聞

徐州賀河平表

臣軾言竊聞黃河決口已遂閉塞者聖謨獨運天眷莫違庶邦子來民罔告病萬杵雷動役不逾時遂消東北莫大之憂然後麥禾可得而食人無後患喜若再生臣軾中謝伏以大河為災歷世所病禹治兗州之野十有三載乃同漢築宣防之宮二十餘年而定未有收狂瀾於既潰復故道於將堙俛仰而成神速若此恭惟 皇帝陛下至仁博施神智無方達四聰

以來衆言廣大孝以安宗廟水當潤下河不溢流屬歲久之無虞故患生於所忽方其決也本吏失其防而非天意及其復也蓋天助有德而非人功振古所無溥天同慶維豐沛之大澤實汴泗之所鍾伊昔橫流漂孤城之若塊迨茲平定蔚秋稼以如雲害既廣則利多憂獨深而喜倍雖官守有限不獲趨外庭以稱觴而民意所同亦能抒下情而作頌臣無任云云

湖州謝上表

臣軾言蒙恩就移前件差遣已於今月二十日到任上訖者風俗阜安在東南號為無事山水清遠本朝

廷所以優賢碩惟何人亦與茲選臣軾中謝伏念臣  
性資頑鄙名迹埋微議論闊踈文章淺陋凡人必有  
一得而臣獨無寸長荷先帝之誤恩擢實三館蒙

陛下之過聽付以兩州非不欲痛自激昂少酬恩造  
而才分所局有過無功法令具存雖勤何補罪固多  
矣臣猶知之夫何越次之名邦更許借資而顯授顧  
惟無狀豈不知恩此蓋伏遇 皇帝陛下天覆群生  
海涵萬族用人不求其備嘉善而矜不能知其愚不  
適時難以追陪新進察其老不生事或能牧養小民  
而臣頃在錢塘樂其風土魚鳥之性既自得於江湖

吳越之人亦安臣之教今敢不奉法勤職息訟平刑  
上以廣朝廷之仁下以慰父老之望臣無任瞻天荷  
聖激切屏營之至謹奉表稱謝以聞

到黃州謝表

臣軾言去歲十二月二十九日准勅責授臣檢校尚  
書水部員外郎充黃州團練副使本州安置不得簽  
書公事臣已於今日到本州訖者狂愚冒犯固有  
常刑仁聖矜憐特從輕典赦其必死許以自新祗服  
訓辭惟知感涕中謝伏念臣早緣科第誤忝縉紳親  
逢睿招之興遂有功名之意亦嘗召對便殿考其所

學之言試守三州觀其所行之實而臣用意過當日  
趨於迷賦命衰窮天奪其魄叛違義理辜負恩私茫  
如醉夢之中不知言語之出雖至仁屢赦而衆議不  
容按罪責情固宜伏斧鑕於兩觀推恩屈法猶當禦  
魑魅於三危豈謂尚玷散員更叨善地投畀磨廳之  
野保全樗櫟之生臣雖至愚豈不知幸此蓋伏遇  
皇帝陛下德刑並用善惡兼容欲使法行而知恩是  
用小懲而大戒天地能覆載之而不能容之於度外  
父母能生育之而不能出之於死中伏惟此恩何以  
為報惟當翫食沒齒杜門思愆深悟積年之非永為  
多士之戒貪戀聖世不敢殺身庶幾餘生未為棄物  
若獲盡力鞭箠之下必將捐軀矢石之間指天誓心  
有死無易臣無任瞻天荷聖感涕激切屏營之至謹  
奉表稱謝以聞

謝徐州失覺察妖賊放罪表

臣軾言去年十二月十五日准淮南轉運司牒奉  
聖旨差官取勘臣前任知徐州日不覺察百姓李鐸  
郭進等謀反事臣尋具析在任日曾選差沂州百姓  
程棐令緝捕凶逆賊人致棐告獲前件妖賊因依乞  
勘會施行至今年七月二日復准轉運司牒奉 聖

旨蘇軾送尚書刑部更不取勘盜發所臨守臣固當  
重責罪疑則赦聖王所以廣恩自驚廢逐之餘猶在  
愍憐之數臣軾誠惶誠懼頓首頓首伏念臣早蒙殊  
遇擢領大邦上不能以道化民達忠孝於所部下不  
能以刑齊物消姦宄於未萌致使妄庸敢圖僭逆原  
其不職夫豈勝誅况茲溝瀆之中重遇雷霆之譴無  
官可削撫已知危至於捕斬群盜之功乃是鄰近一  
夫之力靖原其始偶出於臣雖為國督姦常懷此志  
而因人成事豈足言勞勉自効於涓埃庶少寬於斧  
鉞豈謂蕩然之澤許以勿推收驚魄於散亡假餘生

之畧刻退思所自為幸何多此盖伏遇 皇帝陛下  
舞虞舜之干示人不殺祝成湯之網與物求生其間  
用刑本不得已稍有可赦無不從寬務在考實而原  
情何嘗記過而忘善益悟向時之所坐皆是微臣之  
自貶感愧終身論報無地布衣蔬食或未死於飢寒  
石心木腸誓不忘於忠義臣無任瞻天荷聖感恩思  
報激切屏營之至謹奉表稱謝以聞

謝量移汝州表

臣軾言伏奉正月二十五日誥命特授臣汝州團練  
副使本州安置不簽書公事者稍從內遷示不終棄

罪已甘於萬死恩實出於再生祇服訓詞惟知感涕  
臣軾誠惶誠恐頓首頓首伏念臣向者名過其實食  
浮於人兄弟並竊於賢科衣冠或以為盛事旋從冊  
府出領郡符既無片善可紀於絲毫而以重罪當膏  
於斧鉞雖蒙恩貸有愧平生隻影自憐命寄江湖之  
上驚魂未定夢游縲紲之中憔悴非人章狂失志妻  
孥之所竊笑親友至於絕交疾病連年人皆相傳為  
已死飢寒併日臣亦自厭其餘生豈謂草芥之賤微  
尚煩朝廷之記錄開其恫悔許以甄收此蓋伏遇  
皇帝陛下湯德日新堯仁天覆建原廟以安祖考正



之憂近在朝夕與其強顏忍耻下一作求於衆人不

若歸命投誠控告於君父臣有薄田在常州宜興縣

粗給饘粥欲望聖慈許於常州居住又恐罪戾深重

未可聽從便安輒敘微勞庶蒙恩貸臣先任徐州日

以河水浸城幾至淪陷臣日夜守捍偶獲安全魯蒙朝

廷降勅獎諭又嘗選用沂州百姓程渠令購捕凶黨

致獲謀反妖賊李鐸郭進等一十七人亦蒙聖恩保

明放罪皆臣子之常分無涓埃之可言冒休自陳出

於窮迫庶幾因緣僥倖功過相除稍出羈囚得從所

便重念臣受性剛褊賦命竒窮既獲罪於天又無助

於下怨仇交積罪惡橫生群言或起於愛憎孤忠遂  
陷於疑似中雖無愧不敢自明向非人主獨賜保全  
則臣之微生豈有今日伏惟 皇帝陛下聖神天縱  
文武生知得天下之英材已全三樂躋斯民於仁壽  
不棄一夫勃然中興可謂盡善而臣抱百年之永嘆  
悼一飽之無時貧病交攻死生莫保雖鳧鴈飛集何  
足計於江湖一作朝廷而犬馬蓋惟猶有求於君父一作陛下  
敢祈仁聖少賜矜憐臣見一面前去南京聽候朝旨  
干冒天威臣無任

到常州謝表二首

臣軾言先蒙恩授汝州團練副使本州安置尋上表  
乞於常州居住奉 聖旨依所乞臣已於今月二十  
二日到常州訖者積釁難磨未經洗濯至仁易感許  
即便安祇荷寵靈惟知感涕中謝伏念臣所犯罪戾  
本合誅夷向非先帝之至明豈有餘生於今日銜恩  
未報有志不從已分沒身寄殘骸於魑魅敢期擇地  
收暮景於桑榆此蓋伏遇 皇帝陛下仁孝生知聰  
明天縱寅奉上帝之眷命述修累聖之成謀念此管  
崩之微庶幾簪履之舊俾安田畝稍出縲囚飽食無  
思但日陶於新化杜門自省當益念於徃愆臣無任

臣軾言先蒙恩授汝州團練副使本州安置尋上表  
乞於常州居住奉 聖旨依所乞臣已於今月二十  
二日到常州訖者罪大人微自甘永棄食負口衆未  
免求安忽奉俞音出於獨斷仰銜恩施不覺先涕零中  
謝伏念臣猥以凡才早塵仕籍生逢有作之聖獨抱  
不移之愚廢棄六年已忘形於田野泝沿萬里偶脫  
命於江湖一作潭 豈謂此生得從所便此蓋伏遇 太  
皇太后陛下厚德載物至仁代天春生秋成本無心  
於草木風行雷動自有信於蟲魚致此幽頑亦叨恩  
宥耕田鑿井得漸齒於平民碎首剗肝尚未知其死

所臣無任

登州謝上表二首

臣軾言伏奉告命授臣朝奉郎知登州軍州事臣已  
於今月十五日到任上訖者登雖小郡地號極邊自  
驚縲紲之餘忽有民社之寄拜恩不次隕涕何言中  
謝臣聞事一作臣 不密則失身而臣無周身之智人不  
可以無學而臣有不學之愚積此兩愆本當萬死坐  
受六年之謫甘如五鼎之珍擊鼓登聞止求自便買  
田陽羨擔畢此生豈期枯朽之中有此遭逢之異收  
召魂魄復為平人洗濯瑕疵盡還舊物此蓋伏遇

皇帝陛下內行曾閔之孝外發禹湯之仁日將旦而四海明天方春而萬物作於其黨而觀過謂臣或出於愛君就所短而求長知臣稍習於治郡致茲異寵驟及非才恭惟先帝全臣於衆怒必死之中陛下起臣於散官永棄之地沒身難報碎首為期臣無任臣軾言伏奉告命授臣朝奉郎知登州軍州事臣已於今月十五日到任上訖者寵命過優訓詞尤厚非臣愚憊所克承當臣所領州下臨漲海人溥事簡地瘠民貧入境問農首見父老戴白扶杖爭來馬前皆云枯槁之餘死亡無日雖在田野亦有識知恭聞聖母至明而慈嗣皇至仁而孝每下號令入皆涕流願延忍一作垂死之年以待惟新之政言雖甚拙意則可知見朝廷擢臣於久廢之中謂臣愚必有以少塞其責或能推廣上意惠康小民而臣天資鈍頑學問寡淺心已耗於多難才不周其一身將何以上答聖知下慰民願伏惟太皇太后陛下以任姒之位行堯舜之仁勤邦儉家永為百王之令典時使薄斂故得萬國之歡心豈煩燭火之微更助日月之照但知奉法不敢求名臣無任

杭州謝上表二首

臣軾言伏奉制書除臣龍圖閣學士知杭州臣已於  
今月三日到任上訖者始衰而病豈非滿溢之災乞  
越得杭又過平生之望伏念臣起自廢黜驟登禁嚴  
畢命驅馳未償萬一懷安退縮豈所當然蓋散材不  
任於斧斤而病馬空糜於芻粟故求外補以盡餘年  
豈期避寵而益榮求閑而得劇此蓋以遇 皇帝陛  
下剛健中正緝熙光明無為蓋虞舜之仁篤學有仲  
尼之智而臣猥以末技日奉講惟凜然威光近在咫尺  
惟古人責難之意每不自量方 陛下好問之初  
遽以疾去推之理數可謂奇窮荷眷遇之不移竊恩

榮而愈重雖雨露之施初不擇物而犬馬之報期於  
殺身臣無任

臣軾言伏奉制書除臣龍圖閣學士知杭州臣已於  
今月三日到任上訖者入奉禁嚴出膺方面皆人臣  
之殊選在儒者以尤榮伏念臣受寵逾涯積憂成疾  
既思退就於安養又欲少逃於滿盈仰荷至仁曲從微  
願江山故國所至如歸父老遺民與臣相問知朝廷  
輟近侍為太守 聖主視天下如一家鞭朴未施爭  
訟幾絕臣之厚幸十豈易名言此蓋伏遇 太皇太后  
陛下天地之仁 聖主愚無取日月之照邪正自分每包

函其憊迂欲保全其終始兄弟孤立嘗親奉於德音  
死生不移更誓堅於晚節臣無任

杭州謝放罪表二首

臣某言臣近以法外刺配本州百姓顏章顏益二人  
上章待罪奉 聖旨特放罪者職在承宣當遵三尺  
之約束事關利害輒從一切之便宜曲荷天慈不從  
吏議伏念臣早緣剛拙屢致憂虞用之朝廷則逆耳  
之愆形于言施之郡縣則疾惡之心見于政雖知難  
每以為戒而臨事不能自回苟非日月之明安能肝  
膽必照則臣豈惟獲罪於今日久已見傾於衆言恭

惟 皇帝陛下濬招生知清明旁達委任群下退託  
於不能愛養成材惟恐其有過知臣欲去一方之積  
弊湏除二猾以示民特屈憲章以全器使臣敢不省  
循過咎祗服簡書眷此善良自不犯於漢法時有貸  
捨用益廣於堯仁臣無任

亂群之誅不請而決蓋恩威之無素致姦猾之敢行  
方俟譴訶豈期寬宥伏以法吏網密蓋出於近年守  
臣權輕無甚於今日觀祖宗信任之意以州郡責成  
於人豈有不擇師帥之良但知繩墨之馭若平居僅  
能守法則緩急何以使民顧臣不才難以議此恭惟

太皇太后陛下寬仁從衆信順得天推一身之至公  
納萬方於無罪而臣始終被遇中外蒙恩謂事有專  
而合宜情無他而可恕故加貸捨以示寵綏朝廷至  
明粗以臣為可信吏民自服當不令而率從臣無任

潁州謝上表二首

臣軾言伏奉云云支郡責輕未即滿盈於小器豐年  
事簡非徒飽煖於一家覽几席之溪湖雜簿書於魚  
鳥平生所樂臨老獲從中謝伏以汝潁為州邦畿稱  
首土風備於南北人物推於古今賓主俱賢蓋宗資  
范孟博之舊治文獻相續有晏殊歐陽脩之遺風頌

臣何人亦與茲選伏遇 皇帝陛下丕承六聖總攬  
群英生知仁孝之全學識文武之大謂臣簪履之舊  
物嘗忝帷幄之近臣奉事七年崎嶇一節意其忠義  
許國故暫召還察其老病畏人復許補外置之安地  
養此散材更少勉於桑榆誓不忘於畎畝臣無任  
臣軾言避嫌引疾慙無國士之風識分知難粗守人  
臣之節曲蒙溫詔遂假名邦已見吏民惟知感怍中  
謝伏念臣早緣多難無意軒裳晚以虛名偶塵侍從  
雖云時可每與願違既未決於歸田故力求於治郡  
慈母愛子但憐其無能明君知臣終護其所短自欣

授老漸獲安身此蓋 太皇太后陛下慈儉臨民剛柔布政參天地而有信喜怒不形體水鏡之無心忠邪自辨致茲愚直亦克保全雖任職居官無過人者而見危授命盖有志焉

謝御膳表

臣伏蒙聖恩特賜寬假將理今月七日又再蒙中使臨賜御膳問其治療之增損督以朝參之日辰臣下履淵冰上負芒刺涕洟雖小能延兩耀之光寸草何知莫報三春之澤正使豚魚幽陋木石堅頑亦將激勵忘軀奔走赴職而臣尚有無厭之請敢守不移之愚在法當誅原情可憫實以負薪之疾積有歲時勿藥之祥恐非旦夕終願江淮之一郡以安犬馬之餘生尚冀此身未填溝壑期於異日別効涓埃

同天節進絹表

右伏以大人之德莫得而名萬壽之觴無物可稱前件絹土地所出賦租之餘敢輸向日之誠少備充庭之末

代滕達道湖州謝上表

郡歷五湖城交二水既先世舊居之地亦年少初仕之邦父老縱觀不謂微臣之尚在吏民感涕共知洪



造之難酬中謝臣聞忠臣可使死封疆而不能受無  
根之謗議志士本不求富貴而不能安有道之賤貧  
况臣早蒙希世之恩常有捐軀之意豈容曖昧略不  
辨明然疑似之難知實古今之通患漢文帝賢君也  
而不能信賈生之屈尹吉甫慈父也而不能雪伯奇  
之寃此小人譖夫所以得志而欺天忠臣孝子所以  
抱恨而入地况臣結累朝之深怨無半面之先容而  
訴章朝聞恩詔夕下歷數千載惟臣一人此蓋伏遇  
皇帝陛下妙物言神睿思作聖謂天盖遠以躬呼而  
必聞如日之明雖浸潤而不受念茲七年之既收之

九死之餘臣敢不更勵初心馴圖後効老當益壯未  
甘結草之幽途死上不辭尚欲據鞍於前殿

代滕達道以靈宮奉安表

衣冠出游魏乎宮闕之盛祖考來格燦然日月之  
新禮光前彌文範後繼以作解之雷雨仍收紉傳之  
子孫聳觀華夷淪浹枯朽竊以祀無豐疎祭不欲昵  
自仁率親故同宮而合享惟聖作則實考古而便今  
庶民子來五福交應蔚山河之增氣紛嶽瀆以來朝  
仙木蟠根五聖既聯於龍袞靈芝擢秀九莖復出於  
齋房 皇帝陛下舜孝格天堯文冠古損益漢唐之

典故潤色祖宗之規摹壽考萬年永作人神之主本  
支百世共承宗廟之休臣出守遠方阻觀盛禮會祠  
壇下莫覩燁然之光留滯周南竊興命也之歎

慰欽聖太后上僊表

臣某言伏觀 大行皇太后遺誥者慘慟一作發六宮  
悲纏九土奉諱哀隕不知所言中慰 大行只太后  
德冠三朝化刑四海獨決大策措天下於泰山  
退避東朝復明辟為萬世之法大終壽祿一作壽其壽考  
昊曉天心恭惟 皇帝陛下仁孝自天哀傷過禮惟聖  
達節豈復行曾閔之難以民為心則當法舜禹之大

願少寬於追慕庶下若於臣民至以外郡居住不獲  
奔赴闕庭臣無任哀痛隕越之至

英州謝上表

罪盈義絕誅九族以猶輕威震怒行寘一州而大  
驚魂方散感涕徒零伏念臣草芥賤儒岷峨以手能  
先人之素業借一第以竊名雖幼歲勤勞實學聖人  
之大道而終身窮薄常為天下之罪人先帝念臣於  
衆怒必死之中 陛下起臣於散官永棄之地恩深  
報茂每憂天地之難欺福眇禍多是亦古今之罕有  
自悲棄物猶欲顛天惟上聖纂宗廟之圖方太母聽

蘇文卷七十八  
簾帷之政招延俊乂登進老成何期章句之謏才使  
掌絲綸之要職凡一時黜陟進退之衆皆兩宮威福  
賞福之公既在代言敢思逃責苟不能敷揚上意尊  
朝廷於日月之明則何以聳動四方鼓號令於雷霆  
之震固當昭陳功罰直喻正邪豈臣愚敢有於私心  
蓋王言不可以匿旨當時之天奪其魄但謂言今  
日之臣肆其言期於言我賴父母之深憫免子言  
偕誅罪雖駭於聽言怒終歸於寬宥不獨再生於東  
市猶令尸祿於南川累歲寵榮固已太過此時宵責  
誠所宜然瘡癘突陬去若清涼之池蒼顏素髮誰憐

衰暮之年恩重丘山感藏骨髓以蓋伏遇 皇帝陛下  
下智惟天錫行自言如魏魏繼六聖之神休攷於盡  
二宮之孝養深原言迹此示哀矜臣實何人恩當與  
衆在先朝偶脫其誅言此日復煩於典刑頑言  
斯生存何面臣敢不噬臍悔過吞舌知非革言不  
改之愆庶萬一善終之望殺身莫喻敢懷窮困之憂  
守土非經尚畀遐荒之俗儻沐先朝之化永惟結草  
之忠臣無任

移廩州謝上表

使命遠臨初聞喪膽詔詞溫厚亟返驚魂拜望闕庭

喜溢頰面否極泰遇雖物理之常然昔棄今收豈罪  
餘之敢望伏膺知幸揮涕無從中謝伏念臣頃以狂  
愚遽遭譴責荷先帝之厚德寬蕭律之重誅投彼遐  
荒幸逃鼎鑊風波萬里歎衰病以何堪煙瘴五年賴  
喘息之猶在憐之者謂之已甚嫉之者恨其太輕考  
圖經止曰海隅其風土疑非人世食有併日之  
冬淒涼百端顛躓萬光若醉夢已無意於生謂  
謂優容許承恩而云云僥倖實有寅緣此蓋伏  
遇 皇帝陛下道士知性由天縱舊勞于外及  
小人之依堪家多艱鑒于先帝之德奉聖母之慈訓

擇正人而與居凡有嘉謀出於尊斷憫臣以孤忠援  
寡察臣以衆心以以更新庶使改過天地有造  
化之大不能使人一一父母有鞠育之恩不能全  
身於必死報期碎首豈豈渝心濯於淤泥已有自  
之便擴開雲日復觀於變之時此生敢更求仕  
但知緘默臣無任

復官提舉玉局觀謝表

臣某言先自昌化軍貶所奉勅移廉州安置又自廉  
州奉勅授臣舒州團練副使求州居住今行至英州  
又奉勅授臣朝奉郎提舉成都府玉局觀外州軍任

便居住七年遠謫不自意全萬里生還適有天幸驟  
從縲繼復齒縉紳中謝伏念臣才不逮人性多忤物  
剛褊自用可謂小忠猖狂妄行乃蹈大難皆臣自取  
不敢怨尤會真人之勃興與萬物而更始而臣獨存  
幽遠最為冥頑迨茲起廢之初倍費生成之力終蒙  
記錄不遂棄捐此蓋伏遇 皇帝陛下正位臨  
時虎變神武不殺豈命之符清淨無為坐推  
兵之福聰明不作日分使臣得同草木之微天  
霑雷雨之澤解不益堅素守深念徃愆流齒  
何求不厭飯蔬之陋益棺未已猶淚結草之忠臣無

任

乞致仁表

臣軾先自端明殿

翰林侍讀學士朝奉郎

州路安撫使家恩

授承議郎知英州遂

遠軍節度副使惠州安直經涉四年蒙恩責

州

別駕昌化軍安置又三年半該

陛下登極大赦量

移廉州安置又經皇子赦恩移舒州團練使永州居

住臣以老病久伏瘴毒頓仆道塗未至永州特蒙聖

恩復授臣朝奉郎提舉成都府玉局觀外州軍任便

居住臣素有薄田在常州宜興縣租了饘粥所以崎

嶮萬里犇歸常州以盡餘年而臣人微罪重骨寒命  
薄難以受 陛下再生之賜於五月間行至真州瘴  
毒大作乘船至潤州昏不知人者累日今已至常州  
百病橫生四肢腫滿渴瘠唾血全不能食者二十餘  
日矣自料必死臣今行年六十有六死亦何恨但草  
木昆蟲貪生之意尚復留戀聖世以辭此寵任  
苟延歲月欲望朝廷特許臣守本官致仕任

謝兼侍讀一首

叨承新命祇服訓詞薄技已窮舊息未替伏念臣志

大而才短論迂而任剛以自用之愚處衆人必  
爭之地不早之察保全之三年滄墨之杜婁

遭飛語再歲江湖免煩言此身愚知之殊

蓋所居閑劇之致處何者為宜而况講詩

司帷幄最近分章摘句則何以報非常之知臣

言又必貽前日之患雖仰恃天日之照常實負冰淵

之虞恭惟 皇帝陛下大德庇民小心順帝雖天覆

地載以聖不可知為神而日就月將以學而不厭為

智曲收舊物以廣多聞臣敢不職思其憂本無分於

中外欲報之德誓不易於死生

用非其分寵至若驚滿溢之憂逡巡莫避伏念臣與  
弟某同登進士並擢賢科內外分掌於制書先後迭  
居於翰苑今臣以經史入侍司一行於中弟輒以丞  
轄立朝督綱條於外恭承明詔不許固辭以為兄弟  
之同升自是朝廷之盛事承明三人僅比古人大雅  
一門無慙舊史人非木石恩重丘山恭惟  
后陛下明極照臨  
託欲為社稷之衛莫  
僕之賢以帝堯之  
畏於  
以孔子之聖而  
思見於狷者至  
推駟及  
卑之  
昂晚歲擔堅必  
之節少報不  
之恩

謝三伏早不表二首

大火既中三序

薰之

既新司忽蒙

之恩遂失流金之

皇

仁均勳植明

燭幽微上有無逸

無獨賢之歎臣等逢

暇竊祿安居共揚扇暘之風以安黎庶更厲

節少荅生成

星火見而金微日方可畏朝氣銳而晝墮思獲少休  
上既知勞下皆忘暑恭惟 太皇太后陛下勞謙恭  
已忠恕及人雖天地無一物之私而父母有至誠之  
愛臣等仰蒙寬假動獲便安未明無顛倒之衣省循

何幸夙退有委蛇之食歌詠而歸

上皇帝賀冬表

易稱來復蓋知天地之心禮儀戒無為以待陰陽之定  
恭惟 皇帝陛下堯仁冠古舜孝通神種德兆民躬  
行文景之儉游心六藝灼知周孔之情人既和而歲  
自豐天不違而壽無極臣久緣衰病待罪工月  
北極之光但罄南

上皇帝賀

東方發律氣之重 新壽 區不載三朝 始  
惟聖時憲自天降康共惟 皇 此下文武生知聖

神天縱舊邦新命既先啓以前 德小心以昭事  
於上帝臣久望 小須 自 德 心 獻  
松椿之壽

上太皇太后表

堯曆授時夏正建統氣迎交泰之會祥應重  
恭惟 太皇太后陛下道無能名德博而化天人所  
助本義易之益謙慈儉不居得老氏之三寶時逢吉  
旦福集清宮臣職守江湖心馳象魏天威咫尺聞  
清蹕之音眉壽萬年遠奉稱觴之慶

澹州謝表



並鬼門而東驚浮瘴海以南遷生無還期死有餘責  
中謝伏念臣頃緣際會偶竊寵榮曾無毫髮之能而  
有丘山之罪宜三黜而未已跨萬里以獨來思皇命  
輕咎深責淺此蓋伏遇 皇帝陛下堯文炳烜湯德  
寬仁赫日月之照臨廓天地之覆育辟之蠕動稍賜  
矜憐俾就窮途以安餘齒而臣孤老無託章  
子孫慟哭於江邊  
生還念報德之可  
所云  
別鵲魅逢迎於海上  
心之  
俯伏涕泣不知

杭州賀冬表二首

月臨天統首冠於三正氣應黃

來於七日君道

浸長陽德光

呈帝

王躬二共編

物垂衣南面天何

時成  
西清日將日而

群陰伏蠻夷奔

成豈惟四遊之歡心

三靈之陰贊臣祗膺詔命恪守郡符身雖存

顏不忘於咫尺敢同率土惟祝後天

消長有時候微陽之來復賢愚同慶知君子之彙征

德化所加神人並應恭惟 太皇太后陛下睿

縱慈儉身先振海嶽以不傾地無私載順陰陽之自

化天且不違成功已陋於漢唐論德蓋高於如黃